

# Pagtubag sa mga Pangutana bahin sa Patriyarkal nga mga Panalangin

Si Presidente Russell M. Nelson mipakigbahin:



[Ang patriyarkal nga panalangin] bilihon. Personal kini nga kasulatan nganha kanimo. Nagdeklarar kini sa inyong espesyal nga kaliwat. Nagpahinumdom kini sa inyong koneksiyon sa nangagi. Ug kini motabang kaninyo nga matinuod ang inyong potensiyal sa umaabot. Sa literal nga paagi, makapangangkon kamo sa Ginoo alang sa katumanan niana nga mga panalangin pinaagi sa inyong pagkamatinud-anon. (Russell M. Nelson, "Thanks for the Covenant" [deposyonal sa Brigham Young University, Nov. 22, 1988], 5)

Si Elder Kazuhiko Yamashita sa Seventy mipamatuod:



Ako kanunay ug mainampoong mobasa sa akong patriyarkal nga panalangin; kanunay kining maghatag kanako og kadasig. Akong giila unsa ang gilaoman sa Ginoo kanako, ug nakatabang kini aron makahinulsol ko ug magmapaubsanon. Kon akong basahon ug pamalandongan kini, magtinguha ko sa pagpakabuhing takos sa pagdawat sa gisaad nga mga panalangin. . . .

. . . Mohatag ko sa akong pagsaksi nga ang Langitnong Amahan ug ang Iyang Hinigugma ug Bugtong Anak, nga si Ginoong Jesukristo, buhi. Sila nahigugma kanato. Ang patriyarkal nga mga panalangin sagradong mga gasa gikan Kanila. Kon kamo makadawat sa inyong panalangin, inyong maamgohan ug mabatyagan kon giunsa Nila kamo sa paghigugma ug giunsa Nila nga matutokan kamo sa tinagsa-tagsa. (Kazuhiko Yamashita, "Kanus-a Ka Angay nga Makadawat og Patriyarkal nga Panalangin," *Liahona*, Mayo 2023, 90)

Si Sister Bonnie H. Cordon, kanhi Kinatibuk-ang Presidente sa Young Women, mipakigbahin:



Sa usa ka komperensiya sa FSY, nahimamat nako ang duha ka batan-ong babaye kinsa nanglimbasog. Parehas nga gihisgotan sa batan-ong mga babaye ang pagdangop sa iyang patriyarkal nga panalangin aron madiskobrehan pag-usab ang personal nga gugma ug giya sa Ginoo alang kaniya. Pangitaa ang inyong patriyarkal nga panalangin, tayhopa ang mga abog kon gikinahanglan, apan tun-i kini kanunay. Kon wala pa ka, pagkuha—sa dili madugay. Ayaw paglangan sa pagdiskobre og unsay gusto sa Ginoo nga isulti kaninyo karon mahitungod sa kon kinsa kamo. (Bonnie H. Cordon, "Duol ngadto kang Kristo ug Ayaw Pag-inusara," *Liahona*, Nob. 2021, 10)